



Pou Piblikasyon Imedya: 24/02/2021

GOUVÈNÈ ANDREW M. CUOMO

**GOUVÈNÈ CUOMO ANONSE NOUYÒKÈ KI ELIJIB YO KAPAB KÒMANSE PRAN RANDEVOU NAN SIT VAKSINASYON FEMA ETA YO NAN BUFFALO, ROCHESTER, ALBANY AK YONKERS**

***Sit yo pral ouvri mèkredi 3 mas - Nouyòkè ki elijib yo kapab pran randevou atravè sitwèb 'Am I Eligible' New York la oswa nan rele 1-833-NYS-4-VAX (1-833-697-4829)***

***Pwogramasyon randevou yo rezève inisyalman pou Nouyòkè yo nan zòn ki gen pousantaj vaksinasyon ki ba pou yon semèn; Randevou yo pral ouvri answit pou tout rezidan konte chak sit yo ap desèvi***

***Sit yo sible kominote defavorize yo, yon pati nan efò Administrasyon Cuomo ak Biden yo pou distribye vaksen yon fason ki ekitab epi avèk efikasite***

Gouvènè Andrew M. Cuomo te ankouraje jodi a Nouyòkè ki elijib yo nan Buffalo, Rochester, nan zòn Albany ak nan zòn Yonkers kapab kòmanse pran randevou pou resevwa vaksen COVID-19 la nan de sit vaksinasyon kominotè FEMA Eta a ki pwograme pou ouvri mèkredi 3 mas nan kat vil. Kat sit vaksinasyon yo pral fonksyone ant 8 AM ak 8 PM chak jou epi chak sit gen kapasite pou administre 1,000 dòz chak jou. Sit sa yo fè pati efò kontinyèl Eta New York pou konbat ezitasyon vaksen an epi pote vaksen an bay kominote yo ke enstitisyon swen sante tradisyonèl yo te defavorize.

Nouyòkè ki elijib yo ap kapab pran randevou lè yo itilize sit entènèt 'Am I Eligible (Èske Mwen Elijib)' New York la oswa lè yo rele Liy Dirèk Vaksinasyon COVID-19 eta a nan 1-833-NYS-4-VAX (1-833-697-4829). Yo kapab pran randevou tou lè yo vizite sit sa yo lè yo kòmanse ouvri nan mèkredi 3 mas. Pou premye semèn pwogramasyon an, randevou nan kat sit yo rezève odepas espesyalman pou Nouyòkè yo ki elijib pou vaksinasyon an k ap viv nan zòn ki gen to vaksinasyon ki ba. Apre yon semèn, yo pral rann randevou nan chak sit yo disponib pou tout rezidan konte yo ke sit la ap desèvi.

"Depi premye jou a priyorite prensipal nou an se te asire distribisyon ekitab vaksen an nan etabli sit vaksinasyon yo dirèkteman nan kominote yo ki te frape pi rèd anba pandemi an", **Gouvènè Cuomo te deklare.** "Kat sit sa yo nan Buffalo, Rochester, Albany ak Yonkers ap bay priyorite inisyal pou randevou pou Nouyòkè ki ap viv nan zòn ki gen pousantaj vaksinasyon ki ba yo ak pousantaj pozitivite COVID ki wo yo, epi mwen ankouraje tout moun nan rejyon sa yo ki elijib pou pran yon randevou rapidman. Vaksen an san danje ak efikas, men li kapab mache sèlman si nou mete li nan bra

moun yo. Plis piki nou administre, se pi vit nou kapab korije enjistis ke kominote ki defavorize nou yo te sibi a epi se pi vit nou kapab atenn objektif nou an pou vini premye Eta ki pa gen COVID."

Lokal ak kòd postal sit ki elijib yo se konsa:

**Buffalo: Delavan Grider Community Center (Sant Kominotè Delavan Grider)**

877 East Delavan Avenue

Buffalo, NY

Kòd postal ki kalifye: 14209, 14201, 14208, 14213, 14211, 14215, 14214, 14204, 14222, 14212

**Rochester: Ansyen pakin Kodak Hawkeye**

1345 St. Paul Street

Rochester, NY

Kòd postal ki elijib: 14605, 14613, 14611, 14608, 14621, 14619, 14606, 14615, 14614, 14609, 14604, 14603

**Albany, Schenectady, Troy: Washington Avenue Armory**

195 Washington Avenue

Albany, NY

Kòd postal ki elijib: 12202, 12206, 12210, 12209, 12207, 12222, 12180, 12307, 12308, 12305, 12304

**Yonkers ak Mount Vernon: New York National Guard Armory (Asenal Gad Nasyonal New York)**

2 Quincy Place

Yonkers, NY

Kòd postal ki elijib: 10705, 10701, 10550, 10553, 10704, 10703, 10552

Avèk sipò FEMA, Depatman Sante ak Sèvis Sosyal Etazini an (U.S. Department of Health and Human Services), Depatman Defans (Department of Defense) ak lòt ajans federal yo, sit sa yo pral mobilize anplwaye klinik ak non-klinik federal yo ak kontraktè ki pral travay avèk Gad Nasyonal la, Eta New York, lidè lokal yo, ak òganizasyon ki baze nan kominote yo pou etabli ak opere sit sa yo. Yo pral prepare chak kote pou satisfè bezwen kominote espesifik li ap sèvi a.

Menm jan ak sit FEMA Eta Brooklyn ak Queens yo ki te ouvri semèn sa a, randevou nan kat sit sa yo pral rezève inisyelman espesyalman pou Nouyòkè yo ki elijib aktyèlman pou vaksinasyon ki abite nan zòn ki gen pousantaj vaksinasyon ki ba yo. Apre yon semèn, yo pral rann randevou nan chak sit disponib answit pou tout rezidan nan konte oswa rejyon sib espesifye ki òganize sit la.

Nan fen 2020, Gouvènè a te anonse lansman Gwoup Travay sou Ekite Vaksen nan New York ke Sekretè Eta Rossana Rosado, Prezidan Lig Nasyonal Iben ak Direktè Egzekitif Jeneral Marc Morial, ak Prezidan Healthfirst ak Direktè Egzekitif Jeneral Pat

Wang ap dirije. Depi etablisman li, Gwoup Travay la te kontinye travay pou asire kominote vilnerab ak defavorize yo pa rete dèyè nan elimine baryè pou jwenn vaksinasyon epi asire gen distribisyon ekitab vaksen an nan tout eta a.

Anplis de sa, New York te etabli plis pase 104 sit vaksinasyon 'tanporè' ki baze nan kominote a nan legliz yo, sant kominotè yo ak konplèks lojman piblik yo dirèkteman nan kominote yo toupatou nan eta a ki te defavorie pa sistèm swen sante tradisyonèl yo. Depi 15 janvyè, sit sa yo te pèmèt apeprè 45,000 Nouyòkè resevwa premye dòz vaksen COVID-19 pa yo nan sit tanporè sa yo ki baze nan kominote a. Aprè administrasyon premye dòz yo, yo re-etabli sit yo twa semèn pita pou administre dezyèm dòz yo.

New York pral kontinye etabli sit tanporè sa yo jiskaske yo mete yo nan tout 33 Devlopman Lojman pou Granmoun Aje NYCHA (NYCHA Senior Housing Developments) yo, ki loje plis pase 7,600 granmoun aje. Yo pral kontinye etabli tou lokal tanporè yo pral nan lòt konplèks lojman piblik yo nan tout Eta a, epitou nan plis pase 300 legliz ak sant kiltirèl ki ofri tèt yo volontèman pou loje sit sa yo atravè Gwoup Travay sou Ekite Vaksen (Vaccine Equity Task Force) Gouvènè Cuomo a.

###

Lèt nouvell disponib sou sit [www.governor.ny.gov](http://www.governor.ny.gov)  
Eta New York | Chanm Egzekitif | [press.office@exec.ny.gov](mailto:press.office@exec.ny.gov) | 518.474.8418

[ANILE ENSKRIPSYON OU](#)